

Bataake Bunndu

Jaaynde Humpitorde Ladde Tawaande Reenaande Renndaande nde Bunndu

Jaaynde nde yubbini KORENA – Kisnirgal LTRR (RNC) Bunndu



Ngardiindi

Saydu KAN, hooreejo Dental Dowri Sincu Fisa, Hooreejo KORENA



E ndee fuddorde hitaande 2012, RNC Bunndu ina wuuri njubbudi kesiri. Dente Dowri 4 Ladde Reenaande ndee, tawi ina dofti de heen Dental Diiwaan Tammaakunndaa, ina njogitii hannde oo e juude majje cektirde ngam reginde ebboore nde. Moyyere nde fof hebaaki tawo, kono, miin e wonde mi hooreejo keso KORENA, mido fellitani wadde kala no doole am potirnoo mbele golle badeteede e nder RNC ina njokka e no wayatnoo nih.

Enen poti kadi, enen e wonde hooreejo dental dowri, naatnude RNC oo e nder golle kisnugol huubtingol tunndu men ndu. Ngaynaaka ka, diyee de, jayde nde e taariindi ndi...ko cadeele potde hiiseede e ko diwti keeri Ladde Reenaande nde. Ko nih woni, sabaabu nde ballal Konsey Seneral Iseer e Fondasiyoŋ Arteliyaa, en mbaawii ummitinde ebboore peewnugol baaraas tokooso e nder komite riiral Sincu Fisa, to rewo RNC oo. E ko arata, haralleebe diyee be Fondasiyoŋ Arteliyaa maa njetto nokku oo ngam wadde widto karallaagal, ko adii nde golle de ina puɗdoo. Duum ko yeru jooddo jogordo wadde feere haa yimbe hodbe e catiindi RNC Bunndu mbaawa tawtineede e ndee doo ebboore huubtidinde.

Goomuujii CPN Bunndu ina njahra yeeso !

E 2011, goomuujii 11 toppitiidi kisnugol ladde ndar-nanooma e ekolaaji RNC Bunndu, tawi edii njokkii e Kawtal goomuujii CPN (FCPN)



Hannde oo, e ballal Kawtal Goomuujii toppitiidi Kisnugol ladde (FCPN) e Fondasiyoŋ Natiir & Dekuwerte, goomuujii di maa ngaddane kuutorgal jannginirgol kesal : ko "wakannde jabbagol", wadde kala kuutorde moyye de suka Afrik naajo jidɗo, korsindo ladde waawata jogaade. Defte peewtude e kulle ladde, ledde guurde e ladde Afrik, lonngorde, lupaaŋi naftooji e yiye gede famɗude, saakitaa-ji jaggooji kullon...en njejjitaani heen defte jannginirde e tinnindirde e kala ko yowitii e ladde e ndeenka taariindi e Senegaal. Dum fof maa softin, hirjin goomuujii di e jogaad cuusal naatde e golle yuurnitagol ladde nde. Ndee "wakkande jabbagol" nde tottete goomuujii kisnugol ladde di, tawa ko ñamaande, ko humpito keso ngo meedaa yiyeede e Afrik. Nduwo-den tan wonde maa dum naftu, te dum waawa yaajnude ebboore nde e ko diwti RNC Bunndu oo.

Fii hebde kabaruujii burdi yaajde e:

e ebbooje de Fondasiyoŋ N&D walliti e kaalis :

<http://www.fondation-natureetdecouvertes.com>



Addangol goomuujii toppitiidi ndeenka di kuutorde ina jokki..

Caggal heblo e fawgol kuutorde e juude sappo e njeegomo toppitiibe ndeenka ladde e lewru Sulyee jawtudo doo oo, wallugol goomuujii toppitiidi ndeenka ladde e RNC Bunndu oo ina jokki.

E ndee fuddorde hitaande, kuutorde kese peewtude e liggeyaaji tokoosi ngaddaama, sabaabu nde ballal Booñ Farayse toppitiido Taariindi e aduna oo e Konsey Seneral mo Iseer. Buruwetaaji, ratooji, peeluujii, ñifirdi jayli, peeruujii botuujii.. dum fof ko nga naftude e gollaade golle tutagol ledde, habtagol jayli ladde, walla peewnugol paddorde jayli e taaro ca'e de.

Yantude e duum, reenoobe ladde nayo e lomtotoobe heblanoobe be tottaama kuutorde (welo, telefon e comci liggordi). Ko nih woni, kala tunndu hannde ina jogii reenoobe RNC oo njoyo. Dum fof ina softina liggotoobe reenoobe be...te ina hulbina tiidbe ko'e "bonnoobe ladde be "!



Reenoobe ladde ina peewna bulogaaji buruwet !

RNC to limooje

450 Limooore "Bataake Bunndu" hokkirteedo kala leb bi tati.

56 Limooore jumirde hodaade (e nder 87) e feebariyee 2012

4 Limooore reenoobe ladde hok kaabe kuutorde.

Jumirde cosaan di... ngartii ?

E sahaa nde jumooje Bunndu be ina keblanoo golle juumgol wonande hitaande 2012, te daminaare ina heen sabu limooore juumirde Keynaa kodaadi e ndee hitaande, woon mawbe wonbe e diiwaan Talibaaji oo ngartiri kuutoragol juumirde cosaan ciforiide no pañe nih.

Dum feewniraa ko hudo ina wi'ee "cellal", ina haayaa tawa ko baaji lekki mbi'eteeki Mitaragina inermis dum habbondiraa. Dee juumirde ciforii ko no pañe baddo guddoode didi. Deen penjiraa do les doo, ko penje ledde, moomaade jaañe ngam foodde ñaaki di. To sakket, pañeeji di kabbete ko dow lekki mbele edi kodee ñaaki.

Ñaaki di noon ina njidi di, te feewnugol majje sadtaani, sabu dum huutoraa ko kuutorde nokku oo. Kono noon hannde, waawbe feewnude dum keewaani, te kuutoragol majje wee baani (edum waawi yande so njuumri ndi heewii haa teddi, jungol ngol so ina wadee, ñaaki di ina mbaawi maayde...) Widto burngo teentude feewtude e dee juumirde cossan, mbele ina moyyitina golle dee ina waawi wona feere ngam beydude juumirde de e tunndu he, te kadi dum beyda keewal njuumri "Limmbam Bunndu"...soklaado no feewi !



E nder ca'e de...

KR TOMMBURAA

■ Timmingol golle mahgol safrird e Dide

Ballidiido : PNDL

■ Timmingol feewnugol foraas ku utortoodo naange wonndude e bann du mo Dide e darnugol goomu kisn ugot ngu.

Ballidiido : UEMOA

■ Eggingol ekol Tommburaa e fud dagol golle mahgol kalasuuji nayi k esi

Ballidiido : Jaagorgal jande

Tomburaa hebi ammbilaas

Ko caggal nde o wadi laawol juutngol, gila diiwaan Drome (Farayse) ammbilaas baddo kuutorde safaara oo, te ina diirnatnoo dum Baaba Saada Soh e Antuwaan Barbeyeer, yettii e Tommburaa ñande 15 awril jawtufo do oo. Sabu Baaba Soh, caggal nde o miji waklitde diiwaan waaño mo Kusar koo, o wafti dum RNC keso mo Bunndu, haa jooni omo yawtini e wallude oo doo diiwaan mo jibinaa e mum o. Ko nih woni o wallii safrirde Tommburaa o gudditanoofo ko ina wona jooni duubi didi.

Ammbilaas oo ko dokkal Serwis Falndeejo toppitiido Jayli e Faabagol (SDIS) mo diiwaan Drome, wonndude e kuutorde cellal de okki safroobe rewbe dido jeytiibe, Mari Saan Lambeer e Misel Wokansol, dum fof wadaama e juude safirde Tommburaa, e tawto ragol halfinaabe laamu be. Dee kuutorde kese mbaa mballit golle safaara de e nawgol ñawbe bee e caftirde mawde takkiide de.

E ko arata



Mee 2012

(Ñalaande ndee maa todde) Batu Huubtidinngu feewtude e ngalu wal litoowu peeje faggudu e RNC Bunndu-Kusar

Mee 2012

(Ñalaande ndee ma todde). Kawrital hakkunde jannginoobe Co-Codec mo Bunndu-Kusar

Ngam ardiibe nokku bee kebindoo golle de, goomu kisnugol ammbilaas oo darnaama gila jooni, te dum maa moyyin toppitagol oto oo, wonndude njobdi dognoowo oo.



Fawgol ammbilaas oo e juude Hooreejo Dental Dowri Tommburaa, Bakari Gasama.



Ladde Tawaande Reenaande Renndaande nde Bunndu

Ko ebboore Dente Dowri (KR) Duge. Kusan, Sifcu Fissa, Tummbura e GIC (Dental Bamtaare Renndaande) mo Bakkel.

E nder gollondiral tellitinangal hakkunde Iseer e Tammbaakunnda, e ballal ARD, gollorde karalleeje dee, ebbooji e porogaramuujji Diiwaan oo, e ballal FFEM, AFD e CF-UICN.



PNNK

Parc National du Niokolo Koba



JOKKONDIRE :

KORENA

Kisnirgal RNC ngal Bunndu
Kusan, WB 238 Tammbaakunnda-Senegaal
Corena.tamba@hotmail.com
Keleer KELEMA-SEK
Kalfinaado Ballitgol RNC
(00 221) 77 713 92 79

ARD mo Tammbaakunndaa-Catal Bakkel
Mammadu FADE - Hooreejo Catal
(00 221) 77 511 51 26
fademamadou@yahoo.fr

E ballal :S. Kan (CR Sincu Fisa) – M. Fade (ARD Bakel) – B. Jallo (Iseer)

Nate : K.Kelema Sek – **Peeewnugol-Winndugol** : K.Kelema Sek